

霑益州志

卷之陸

藝文下

霑益州志卷六

藝文下

安撫告示

巡撫兼署總督 岑毓英

爲再行剴切示諭事照得尋甸南霑等屬漢回歸業一案業經酌定條款章程檄飭雲南迤東賈署道督各該屬地方官紳並委員協同清查辦理出示曉諭在案查此次漢回歸業原爲長治久安之計務使各得其所倘回民歸業之後仍敢橫暴滋擾自當從嚴究辦該漢民人等亦不得驚疑生事自取罪戾惟該回民等歸業所有田地房產必須認真清查實係祖

霑益州志

卷六

藝文下

一

川
七
川

遺或在咸豐五年未亂以前自行備價買置立契投稅中証確鑿方准認明清還自咸豐六年旣亂之後時當回強漢弱產業多被霸佔縱有契券可憑無非恃強逼迫並未公平備價今毋論典杜應飭一概歸還漢民原主其中有原主故絕者充作地方公項概不准該回民等認爲己業至於南霑等處土住回民尤應查明實係自咸豐五年未亂以前向在城內居住者方准仍住城內某鄉某村居住者仍歸某鄉某村迨至咸豐六年亂後多有由鄉村搬入城內站踞亦有由彼村遷至此村者今飭歸業一概不准朦混

聚處仍各歸本處居住更不准窩留外回同居違者照前定條款嚴行查究除札迤東道暨各地方官遵辦外合再剴切示諭爲此示仰各該屬漢回紳耆士庶人等一體遵照毋得抗違致干嚴究凜遵特示
同治十三年三月二十八日示

免夫馬奏疏

奏爲瀝陳滇民困苦情形擬請裁革夫馬等款支銷以蘇民困恭摺仰祈

聖鑒事竊

臣

等據雲南布政使司唐炯會同善後局司道

詳稱查夫役一項當未均徭銀以前在官人役皆於

霑益州志

卷六

藝文下

二

四十三

所屬民人內簽令充當名曰力差後改令輸銀曰力差銀後復攤徵於地糧均徭銀自是歲著爲令役皆募充卽以均徭銀發給役食載在會典及賦役全書
歷久遵行仰見

聖朝軫念民依用民而不欲竭民取民而惟恐擾民法至善也滇省軍興廿載兵燹之後繼以瘟疫各屬田地多有荒蕪城市蕭索鄉民衣服襤縷不能蔽體民食多用包穀餬口維艱凋敝情形深堪憫惻歷引父老問其疾苦僉稱夫馬之害其弊在地方官之苛派各府廳州縣平時肩輿旗鑼傘扇以至看堂看門看監

卡押犯下至灑掃芻牧率派用民夫若因公晉省或新舊赴任去任用夫更多派夫之外又復派馬平時則有跟班馬聽差馬辦差則有送差馬辦差之丁役庖人無不用馬其至既派夫馬又復折價而出差委員所用夫馬亦皆由沿途折給價錢任意需索加以經管夫局之不肖紳董串同胥役暗地加派圖飽私囊而文武紳士衙門兵差概不支應所支應者止力作窮民層層剝削其何以堪以上各弊輿論僉同倘非痛心疾首安能衆口一詞夫既徵徭銀又派夫馬大非

朝廷恤民之意司道等躊躇再四非盡數裁革無以紓民困擬將夫馬章程妥爲酌定別籌閒款提歸善後局經理嗣後大小差使一經奉委悉由局按往返程途覈發照市雇募通飭各地方官不准再派夫馬各屬夫馬局一律裁革盡撤積弊全除民力漸裕然後招集流亡勸課農桑開辦廠務衣食足則禮讓興自然禍亂不作所費實少而所益甚多等情詳請具奏前來^臣等伏查滇省地瘠民貧又有夫馬之累民力更形拮据^臣毓英在雲南巡撫任內辦理軍務卽深知此弊祇以軍務吃緊攘其奇窮故所用夫役不能不

藉資民力而百姓亦深明大義奮勉從公擬候軍務
告竣再爲請

命於同治十二年全省肅清卽先奏請將民兵釐穀永
遠豁免並請將錢糧減成徵收酌荷

皇恩高厚允准辦理凡在臣民同深欽感惟夫馬積弊因

臣丁憂解任尙未奏請裁革上年臣瑞會商本任督

臣劉以弊先去甚督飭司道將夫馬章程認真覈減
而百姓仍屬艱苦每一念及而心總難安茲據該司
道等會詳前情實係爲恤民起見合無仰懇

天恩賞准將雲南通省夫馬自光緒九年正月爲始永遠

霑益州志

卷六

藝文下

四

裁革以後督撫學政提鎮司道各要差均由善後局
照章酌給夫價自行雇募及各府廳州縣有要緊差
使俱照章給價自雇不准科派地方違者從嚴參辦
庶民困可蘓元氣易復邊疆幸甚所有臣等擬請裁
革夫馬籌欸支銷各緣由謹合詞恭摺具陳是否有
當伏乞

太后

皇上聖鑒訓示謹

奏

告示

爲通飭曉諭事照得滇省夫馬最爲民害今

本署部堂

飭司局別籌閒欵釐定章程所有學院考

試各郡及查災提案委員一切要差夫馬均由局照章核計往返程站給發自行雇備此外提鎮司道以及地方文武各衙門向來派用夫馬自光緒九年正月

月起一概裁革各州縣不准再設夫馬局除會

奏立案通飭永遠遵行外合行曉諭爲此諭仰合省軍民人等知悉嗣後如有地方文武衙門仍前派用民間夫馬土豪劣紳藉端設局苛派一經委員查出或被爾等控告定卽從嚴參辦治罪爾等其各安生業

霑益州志

卷六

藝文下

五

盡力田畝毋負本

署部堂

體念民依之至意其各凜

遵毋違特示

光緒八年十二月三十日示

西閘壩碑

爲開河復古給示勒碑以杜訟端事案查霑益新橋河係古臘溪江水山州境東下南甯會白石瀟湘以達陸涼上關

國賦下繫民生載在州志本屬經流古道自咸豐初年有上河民人因水挾泥沙水漲田肥種植有益私於龍家塘壞堤決口放水淤田遂將小口轉成大溜正河

大片淤塞於是下游各村無水栽秧累年爭控上年春夏又因築堤攔水彼此互控經本府本州本縣迭次親往會勘查得大河淤塞沙平如岸顯係上游人民祇知利己不顧損人屢次決堤放水所致本應勅令上河士民出夫挑淤姑念事非一日罪非一人不肯深究以全鄉誼擬於開復古河之中分給溝河水利俾其永遠相安斷令大河應開勻水放入溝河以示公道故令下游士民丁治齊等公出人夫代上游開河除淤至龍家塘掘堤原處橫流要口卽斷令上游九屯士民段開泰鄧宗賢等按地出夫建築土壩

一道以資攔水壩中許鑲石硿一個硿口凸字倒形壩高一丈五尺壩身上面計八尺寬下面計二丈五尺寬石硿口門上半截定六尺寬以洩洪流下半截定二尺寬以通清水又於石硿之外添做石槽預備木枋設遇天旱應放下閘枋准於閘枋頭上放五寸深流水歸入溝河不得將水全行放下致使下游無水栽秧務使上游下游均分水利永不許移易更張以後倘遇壩傾硿圯應由上河九屯一力承修如有私折私壞應照盜決河防律治罪兩造成願遵斷茲上河士民段開泰鄧宗賢張朝玉張朝升莊新澤孫

明德鄧學玉劉國元莊德純陳占受韓登標趙鴻儒等已將壩硿鑲築如式下河士民丁治齊丁承武朱自昂崔雲發蘓鳳三李本立李先義李在春鄧紹先施君亮劉光彩戴萬鎰戴恩德等亦將大河開挖深通報經官驗均屬堅固深暢從此大河復古小港分流上下各村均霑利益爭端既息

國賦日充永荷

天庥咸歌樂利惟事關復古須垂永久除將辦理緣由及兩造甘結詳明立案外特再給示准其鐫碑兩座一置上河澄清菴一置下河雲龍寺豎立俾使衆目共

霑益州志

卷六

藝文下

七

瞻以杜訟端而資永利特示

光緒四年五月初十日示

志公益齋傳

知州

韓寶琛

匹夫而與氣數爭權一死而與河山並壽此士夫之所難而今昔所同慨者也以余觀志公之所遇所志其殆有進焉公諱斌字益齋氏薩勒吐拉室蒙古人鑲藍旗籍中道光丁酉科舉人由中書截取同知揀發到滇借補晉甯州知州旋調權霑益州篆時咸豐七年歲丁巳春也先是霑回肇亂已逾一載東至平彝南至陸涼西至尋甸北至宣威半屬賊巢聲氣聯

合塗炭生民城爲襲踞公故知之竟毅然履任盡室偕行平敷新舊政令安輯遠近人民謂匪住城內患在蕭牆日集頭人責以大義嚴飭歸業不得已而施以密計適省城戒嚴眇通文報賊旋執公函示公且脅之公曰討賊而限於力謀逆在所必誅義正詞嚴賊怯而退始知援兵不至凡前上乞師四十餘書悉爲賊奪也時事其可爲乎假令當日張旦初安彥臣之計不破於奸學正張明字旦初時在三營土目安紹欽家密謀造雲梯四十餘架挑選因計破不能進攻已抵城脚精壯星夜來攻已抵城脚文登高王萬賢諸君不斃於賊以公之忠勇性成未始不可外合內應掃蕩一

空而乃勢難兼顧人願偷安上下旣無所憑內外不能如一時經數載僅恃孤衷賊果不傷吾民自必相機而動激之無益緩尚可圖此境此情惟公獨喻亦惟公始能不然見危授命而僅謂死得其所也是豈知公之心哉馬連升者回中之奸宄也素畏公守正不阿屢欲犯而不敢同治元年壬戌之秋七月旣望賊衆犯郡城急唐正何有保會馬連升於大坡寺議和該逆遂入踞曲靖懼公扼其後遣所嬖譚尚珍逼之公大罵不屈遂遇害時年五十有三夫人薩爾吐氏亦同日殉節年五十有六今

制府岑時任方伯帥師擒斬馬連升以公事聞於朝予建專祠賞給世職祭葬如例夫人亦與

旌表十三年公子崇謙等扶公及夫人柩歸葬於京都阜城門外諸葛山老塋其衣冠仍葬於州城西門外白塔山下嗟乎人特患甘與草木同腐耳以公處萬難之時日籌萬全之策殫心竭慮不顧其身殆所謂不可奪之君子人與然後知公之所爭者理也所死者民也乾坤正氣夫婦同之不已尊

朝廷而勵當世哉迄今廿餘年矣每詢士民猶泣訴公之氣概茲因州志告竣余適承乏斯土取所聞而紀其畧俾後有所考而知焉專祠其果修乎應以與難之忠僕張貴陳喜徐貴等祔之是又榮賜之一端矣

書松林戰功

邑人 馮以濂

松林在州北二十里居民數百戶舊有土城久圯咸豐五年巡檢朱學垣稟修完固六年三月石羊回叛學垣奉檄攻勦屢出兵策應時回匪四起省城戒嚴霑益回匪趁勢往松林一帶擄掠值邑弁王萬賢有膽畧集衆守禦忽聞警殺不法八九人賊忿圖報復悉衆來攻我兵設伏殺劇賊十餘人賊愈忿鳩集尋

甸石羊各路賊衆二萬復通大河鋪賊張凌翔扛巨礮來攻勢甚洶王萬賢晝夜率兵防禦間出奇殺賊甚夥賊衆老遂歸靄益民出粟犒賞各路匪始散去同治七年西匪犯省尋甸回匪亦騷動巡撫劉嶽昭遣兵攻勦敗績賊分股襲松林邑人張三萬率衆逆戰斬獲百餘人賊失利遂逃去斯役也以蕞爾土城大挫賊鋒曲靄一帶賴以安堵戰功爲鉅記有之衆志成城不信然哉

平亂紀畧

邑人 李景賢

咸豐六年丙辰春三月旣望回漢民構衅於城西沙

靄益州志

卷六

藝文下

十

卷六

田口遂殺人官捕嚴回卽糾衆於十八日焚殺上五七一帶村砦越八日鄉人集於龍華山頂謀禦之一時而裹白巾執白旗者直於人叢中四面突出大聲疾呼分奔下山晝則殺人盈野夜則火光燭天蓋其居心叵測亂謀之蓄深且久矣自是回燄日熾月餘之內城以南海之北蹂躪不堪城中官紳惟有閉門相守而已天中節後曲尋協袁得華由黔班師過境目睹村落淒涼耳聞匪勢猖獗派都司何有保營於白石江名爲進攻實欲收服迺匪等豺狼成性屢敗官兵環攻城池學正張旦初韜畧素嫻奮同安彥

臣張立中選挑三營精壯督領李小雙楊鐵匠等破賊巢於八月下旬石羊保家鄉溝岩雙河等寨諸匪星夜間竄逃梨山卡郎而去當此之時苟衆志成城義旗四起共効爪牙之助同輸糧米之供安見小醜跳梁不能一朝撲滅而乃勢成莫挽人心天意兩不可知致使匪等譸張爲幻賄賂通行一議招安法公遂允時與言者有馮勉齋黃雲卿輩俱不能爭以致回衆前來州人迎之爭先恐後使去冬未有此議何能於七年正月直入而踞之哉選授刺史志公益齋於暮春蒞任本其忠愛竭其猷爲雨露雷霆措施悉

當有馬連升者回中奸宄竄入於斯勾連八屬回寨籠絡四方夷民稱僞帥以逞威權設私局而徵錢穀遂使平彝之大河舖宣威之永安舖陸涼之方家埂尋甸之菓子園如火燎原如草滋蔓迹其所至俱先講和搶奪燒殺姦淫擢髮難數惟州屬松林不服匪於八年二月遣萬衆圍之逾月不敵而還己未庚申辛酉連年興師終不能制李暢東輸貲投効而捐其軀文登高督隊救城而斃於礮破袁兆亭何錦堂錢尊三之陣流血盈河潰陸萬春王萬賢柳明泰之營全軍盡沒兼以馬連升新得定北將軍僞號心目中

只以杜文秀爲大可恃也由是遣衆犯曲陽同治元年壬戌三月府城圍急唐正何有保於大坡寺與馬連升議和夫和議旣成應卽以旣和之心行永和之事乃爲鬼爲蜮陽示綢繆陰藏險狠欲據曲靖而有慮志公因屬所嬖譚尚珍戕之不屈死十月遂自領曲尋協事其黨以戮四爲統領移局於州署暴斂於鄉中蟻聚蜂屯東西幾遍岌岌不可終日惟今制府岑公時任方伯整飭戎行於甲子夏先抵曲之城南越州不數日大軍雲集回等困甚潛乞命於馬軍門允其所請由省赴郡西元通寺同

岑公商旋斬馬連升首於曲靖東山寺令曰殲厥渠魁脅從罔治衆遂瓦解十三年春奉

旨安撫籍尋甸者均各歸家回難旣平而我軍一無妄戮迄今二十年矣霑南數萬戶時聞以岑公戡亂之功與好生之德猶頌禱弗衰云茲因志成特紀其本末如右詳冊

各體詩

五言古

入霑益感懷

公孫輔

驅馬霑益州南望滇海頭向來繁華地變滅如浮漚迴不見人烟但見河水流青山宛然在風景何蕭颯郡縣生荆棘汙萊翳田疇夜聽虎豹號晝顧麋鹿遊羣馬集戰壘野燐飛林邱灼灼道旁花只爲行客愁緬懷寇亂際藩垣失防秋空虛起外侮口語興戈矛盛衰雖天運禍端亦人謀生靈爾何辜吾爲天工尤

交水

用劍門韻

桐城人

姚文燮

霑益州志

卷六

藝文下

十三

川
0
8
長

山勢不在高恢宏氣彌壯險夷造化心縈盤審趨向千崖積重翠已盡物類狀修垌變層岑廬舍咸倚傍流景自容裔縈情謝感愴綠疇帶滿流牴牾恣牧放膺膺新園田元氣復凋喪譬登衽席初雖癯神已王相形息爭觸自易興禮讓三江滙衆溪漣漪愁遠嶂遙雲不斷青似此復何悵

石佛停舟

平彝縣拔貢 董聰

天地一虛舟萬物載其上誰爲執篙人晝夜相鼓盪冥然一卷石造化呈全象會心不在多離動靜亦妄

龍華曉鐘

署知州鑲紅旗人

王秉韜

蒼翠鬱山隈古寺峙其上朝雲暮靄間變態非一狀乘興

一登臨阡陌盡在望風送曉鐘聲令人神思曠

交河夜月

盤臘交滙處滔滔流曠野蕩漾儘怡人况值清秋夜長天
與水連明月映水下不逐頽波移朗朗色盈把

天生瀑布

建瓴勢如注青渚瀉銀河滌蕩聲吞吐噴擊雨雪摩烟林
間疏密茅舍雜碧蘿居者味奇景攬勝欣所過

烟靄青亭

南郊行里許瀦水明且媚左右起崇臺楊柳低重翠一爲
書院基一建青亭邃西乎徒空名今額望海寺

霑益州志

卷六

藝文下

十四

日
文
在

五臺擁翠

山右有五臺白雲鬱不開此地有五臺碧綠冒崔嵬三峰
拔地起生氣自東來四顧欣無際炊烟炷遠埃

石佛停舟

流水聲湯湯一葉石舟繫中有峭峰生卓然如人立建宇
倣船窗闐寂蘭槳戢中流自在游不慮風濤急

東山春樹

春至萬化蘓先氣兆春樹晨起陟東山稠木含宿露高低
翳峰巒遙望烟迴互油然作同雲四野霑甘露

大覺棲雲

古寺踞南麓大覺名誰副下有小橋通上有白雲覆畦壤
互廻環濃烟生樹竹心跡一時清塵氛如新沐

歌行

星廻節咏

汪顯

戊申六月二十五黃昏城市喧如鼓主人抱病強出門家
家燃火守環堵驚心亂目觸天明千炬萬炬應無數大者
奔馳殊鬪狠小兒追逐正狎侮尺帶纏腰布裹頭爭先攘
背相爲睹主人大笑且大疑胡爾紛紛徒太苦街頭老人
問前疑爲道彝風來自古憶昔南詔火焚軀五詔燔柴登
大脯至今尚結松花棚斬牲切膾稱祭祖主人無語老人
霑益州志 卷六 藝文下 十五

壩上行

君不見硯碓壩石突羣羊觝排奔逸混微茫又不見水勢
潰下如簌揚縵繒千尺垂銀潢冰厓傾灝玉作樓滉瀆澎
湃蛟人愁砰訇陵谷怒濤道響落林皋萬樹秋轟然霹靂
禹門來瞿塘峽聯灩澦堆掀風沐日激潏洄九道爭流自
天開波心碧透澈生輝潭底濺起白雲飛大穴噴瀑四十

圍小孔聯絡瀉珠璣撐棚突出崖岩空空處陰深積濕
層瀾疊嶂一天風風捲浪旋雨濛濛洞裏仙人杳難尋渚
中犀牛何幽沉相閒遮莫是龍吟不曉神靈咫尺心鷓鴣
畏捕向深波漁叟扁舟未敢過潛鱗有鯉肥且多網罟其
奈溟漭何構梁疊板暫作橋賓從艤飛步招搖青壁鐫字
聳巉嶢苔深草茸垂藤條攀躋磨看語弗昭非詩非文濫
題標木槽引水浮山腰潤下灌溉功迢遙獨嗟此壩久湮
淪山水無名春復春豈云勝蹟生不辰登時特未遇其人
苟非曠觀達者倫安知櫛沐趣味真閑樽坐飲竹帳前吾
與諸君豈偶然溝澮疏通利在田醞醪醉足境是仙不對
霑益州志

卷六

藝文下

十六

邱壑興不宣邱壑非人亦奚傳但解隨時適性情即可神
遊於蓬瀛嶽匪巖兮江匪泓氣爽心涵薄太青憂愁念殷
鄙吝生章句老儒褰衣行拘攣社裏迂非夫清談之輩寡
實圖毫釐間關得失樞方寸迥以千里途海翁忘機鷗可
呼操縵移情一島隅勗哉各有努力意龜巫安能測其事
味道稊稜常侍食希之充隱待聘至林泉亦自有樂地何
必廊廟始快志

驛卒謠

江夏人程封
南寧令

水西軍中得大勝炎方驛馬排成陣大捷飛來可渡橋設
流改土開三郡低語忙添恤馬錢揮鞭箠楚驛門前官馬

營馬騎不足廚下狼籍官豬肉

餉夫謠

馬上紅旗夜半到飛傳軍餉三千鞘堡夫開門抱兒啼燕
麥街頭無處糶前路長官莫性急廚下烹雞聊進食擡人
猶自可擡鞘壓殺我上版橋下版橋堡軍勸爾且無逃東
南金錢亦有限今年轉鞘三十萬

辭三岔驛

藩西橋南官道北我騎款段常迎客夜半長官叱馭來前
村車馬聲如雷慣持手版不知恥雙膝長跪松舫裏再拜
淵明眞大賢百日不滿便歸田對此誰能更草草回頭無
霑益州志

卷六

藝文下

十七

數人空老爲愛羣山一片青當年何處短長亭流水樹邊
臨大路明日仍從路邊去

三岔驛

楊 慎

三岔驛十字路北去南來幾朝暮朝見揚揚擁蓋來暮看
寂寂回車去今古銷沉名利中短亭流水長亭樹

哈軍門平定烏蒙頌績長歌

勒碑立南門外新橋

胡致堂

聖主龍飛統萬方際天蟠地德無疆凡有血氣咸梯航海
宇昇平共享王維滇遠在西南荒久濡聲教樂虞唐
蠢爾烏蒙恃險強介於黔蜀稱夜郎揮戈躍馬擾農

商積患十年在戶牆甫就戎索旋鴟張覲然人面心
豺狼文武吉甫計久長拯茲民爨出火湯疏請改隸
劃金江俾近漸摩化爲良開渠勸墾置兵防規模初
定議崇隍兇殘莫逞懷悒快糾其餘孽逆天常去年
八月腥風揚守者失禦各倉皇愚賤婦子罹其殃沿
邊風鶴驚相望幸逢福將鎮黔邦義勇天錫世無雙
羽檄朝至夕啟行兼程馳赴掃欃槍得勝坡前牛街
旁賊蠻擁至塞山岡弩鏢十萬利鋒芒公奮神武獨
先當鵠矢所發勝飛鎗指喉命中黑瓜亡蠻胆碎落
疾收韁我軍如虎驅羣羊一以當百陣堂堂氣挾風

雷威肅霜乘宵直指鳳山陽收復髡治扼其吭進攻
撒魚河之梁千尋危塹失所藏急催鋏騎歷羊腸手
披榛棘破蒼茫前有山梁大小涼鼠壘之險天外昂
遊魂嘯聚屯兵糧四面矢石莫能傷惟公三畧傳自
姜神明六韜邁於黃士卒甘同苦共嘗衝寒冒雪志
愈剛一呼齊上列旌幢前途倒戈積屍殭如鳥獸竄
如雪翔窮搜巖谷天討將殲其渠魁誅不降救我難
黎撫痍瘡邊圉永定民樂康凱歌聲遍五雲鄉捷聞
喜色動朝廊寵以淑旗錫綏章彤弓盧矢袞繡裳秉
鉞西南靖苗羗凌烟圖繪首龍驤范韓諸葛先有光

河山帶礪固苞桑遐邇額慶戶焚香磨茲片石著不忘

五言律

東山秋眺

昆明人平
彝縣教諭張全斌

逐步聽秋聲千峰恣遠望霞鋪倩晚紅雲捲放晴嶂花影入軒來鳥聲出林上隨境得神怡何必生惆悵

晚過龍華寺聞鐘

汪顯

鐘聲喧出寺萬壑奏天風日落霞飛樹僧歸月上峰鼓鼙當達曙燈火自搖紅境寂心多靜翻然百慮空

交水道中

董訥

霑益州志

卷六 藝文下

十九

川
下
文

匹馬歸東去千峰送客行爲懷金鳳闕難滯碧雞城囊比來時減詩從客路盈關山須我友悵望各含情

遊大覺庵

州人孔衍祺

曲徑紆徐上松杉夾寺門羣山圍古殿佛國自孤村說偈拈梅子盤蔬供菜根悠然不盡處月映水無痕

又

重重松檜滿綠水繞重門鵲噪高低樹烟炊遠近村竹風清院榻花雨瀉雲根到此塵氛淨千江一月痕

遊龍華寺

州人劉暎

古剎依官道鐘聲出翠微庭花飄貝葉岸柳織烟扉一水

空秋色千山靄落暉披襟登眺晚醉帶月明歸

過大覺庵

州人王 璨

高刹踞峰頭登臨俯一州斗城當寺立弓水抱村流雲白
禪機靜霜青古木秋塵勞何日息常向此間遊

建學成恭紀

州人 周繼武

喜煥文明象巍然八柱雄藻芹熏晚露檜栢響秋風數仞
宮牆近千年俎豆崇青雲欣有路共奮井垣東

交水

謝三秀

去去五華路冥冥四月天寒聲通澗雨晚翠隔離烟乳燕
嘈山色饑烏啄野田從來會心處林木獨翛然

霑益州志

卷六 藝文下

二十

又

亂山相對立一望欲摩天霖霖移秧雨網緝煮繭烟酒壚
多映竹平屋半依田未暇論幽事煩襟已灑然

宿霑益州

戊子八月

王秉韜

村烟裊碧蘿佳氣傍城多翠扇櫻欄舞笙簧鸚鵡歌樓觀
聯甲第市肆密山阿最是舒懷處青疇盡茂禾

自會澤赴霑益羅平任

山蹊七日程帶雨更長征夜聽愁晨滑朝看喜午晴羣飛
山蝶亂獨立水禽清策馬不遑息兼符重二城

石佛停舟

州訓導 景東人 趙嗣普

古佛何年至停橈野渡頭雲山同漠漠江水共悠悠幾閱
滄桑晚寧知歲月流杳然空萬化天地一虛舟

遊仙人洞

州舉人 王育仁

仙踪事渺茫古洞歷滄桑芳草斜陽徑桃花流水鄉懸河
烟漠漠繞岸樹蒼蒼莫問棲霞路青苔滿石梁

秋夜

夜來渾不寐靜裏數疎更老覺文章拙新知悔吝盈高樓
收笛韻遠寺度鐘聲起看天河影澄空萬里清

晚過木容山

卽龍華寺

策馬山腰過東城日欲斜澹雲盤象嶺疎磬出龍華松頂

霑益州志

卷六

藝文下

二十一

三二一

巢歸鶴經聲引暮笳吟鞭自瀟灑看遍幾村花

七言律

龍華寺

楊慎

阿幢橋畔龍華寺仙牧邀予到上頭禪榻茶烟非舊雨離
亭華宴是新秋老年道路猶萍梗征戍山川尙阻修草木
變衰人去住浮雲落日兩悠悠

遊龍華寺

州人 陶廉

中天積翠俯崔嵬迤邐龍山一脉來泉石有盟君是主乾
坤此地孰先開日融花放千叢錦雨過濤驚萬壑雷明月
酒樽隨唱和地靈應喜入詩材

又

半日浮生共海鷗
清秋景候木蘭舟
光涵澗壑晴過雨
影落松林夏又秋
一曲滄浪蘿月白
數椽茅屋石谿幽
芳罇興劇應難返
直欲乘槎碧海遊

前題

陳其力

南國龍華聳秀堆
誰知人世有蓬萊
滄浪江外凝天塹
白石橋前見玉臺
海月冷移山影去
松風寒帶水聲來
雙流疊嶂徘徊久
一榻清幽遠世埃

前題

范淵

野寺樓臺杳靄間
青山常住白雲閒
烟分茶竈清泉沸
香霏益州志
卷六 藝文下 二十二
熱金爐細篆環花雨
一簾僧自在松風半
壑鶴飛還同來
不盡登臨興坐指千峰擁翠鬢

前題

知府姚正

野寺層層倚碧山
遐方太守亦開顏
村村不擾民知樂
樹樹生陰鳥自還
雲氣渺茫連遠嶂
波光淡蕩駐孤灣
觀音閣上江天杳
直北千重是帝關

霑益道中吟

廣西人 何清

秦關漢嶺日蒼茫
幾處茅簷傍短墻
戰血已乾原野骨
烟花猶委鹿麝場
秋風每掛寒山下
落日常懸古寺傍
老樹殘碑看不盡
輕車已過萬重岡

過交水有感

知州北直人 高 鉞

晚過城頭水一灣
滇南風物翠華顏
半黃半綠三春柳
初雨初晴五色山
好景常多驚異地
流雲時繞夢鄉關
芳華春外人烟起
但聽砧聲在樹間

龍華秋望

曲靖人仕至知州 段標麟

祇樹參差橫郭外
披襟縱目亦悠哉
山當疎檻拖青入
水霑益州志
卷六 藝文下
二十三
繞平疇積翠來
紅葉已隨霜裏變
黃花猶向道傍開
驚人剩有禪關磬
清冷一聲林際催

大覺庵書灼吼上人

北直人 盧化龍

門繞河流水一灣
登臨策杖叩禪關
松花綠蔭堦前草
竹葉青分院外山
入定老僧心寂寂
息機幽鳥意閒閒
香龕焰焰琉璃火
照徹毘盧古佛顏

東山寺

州人 孔之裔

年來未敢學人忙
策杖來登古拂堂
曲徑松聲衣染翠
層巖花落石留香
雲歸滇渤峰千點
雁度重霄字一行
謾謂登臨卑小魯
門前烟樹正蒼蒼

登東山

州人 尹位衡

神龍拱峙衆山低
鐘磬聲幽引杖藜
峰外瀑飛泉谷響
寺門樹密野雲棲
僧空禪院花偏笑
客有詩情鳥乍啼
寥落村烟供遠眺
夕陽何意到松谿

西平書院

州人 朱 宸

聖代崇文教澤融
循良報政首儒風
堂開柳幙窗陰綠
火徹冰壺浪影紅
課藝依然師是學
育英還喜冠兼童
晨昏共勵青雲志
定遣驪珠躍海中

深秋過大覺庵

州舉人 張其德

霜葉颼風萬壑秋
爲探勝跡入林邛
幾盤山路松藏寺
一霑益州志

卷六 藝文下

二十四

帶村烟樹隱樓月下
談經非北苑橋邊
洗耳付東流老僧
跌坐蒲團穩共話
三生石點頭

前題

恩貢 鄭廷掄

韶華幾度又深秋
著屐尋山訪古邛
曳杖閒調松頂鶴
高歌吟徹水邊樓
塵勞不擾僧歸定
寵利無驚我自由
清話一堂非往事
鐘聲遙度白雲頭

交水

嵩州知州 程人 嚴遂成

盤蠟交流廢石梁
廢石梁縣在州南境
百年前數舊兵荒
運移閏位

無常所世亂庸奴亦假王
孫可望挾永歷求封秦
部習蒙

提皮服慣
舊爲磨彌部
字傳蚪蚪筮師亡
閉筮居集精
龍

蒙提所據

王李定國奪之去即此

華山色今無恙秧綠平疇似水鄉

赴霑羅二州任和 游執庵志別二律韻

王秉韜

才識當年名士家我先君去各生涯計時袖手吟行路何
日班荆話遠車憶別夢迴殘月上論交情注曉風斜最慚
承乏無仁術父老猶來滿道遮

艾葉榴花向日翻晴光到處拂征轅崇山峰矗白雲窟流
水石通黑獐村半載可能培蔀屋

宰會邑
方半載

兩州何自益蓬

門魚書竚盼雙雙至座右時銘紫玉痕

東郊偶興

霑益州志

卷六

藝文下

二十五

山川文

秋風秋日水泠泠引起秋光入畫屏霜飽柿紅垂樹綠雨
餘松翠照山青碾颺到處看田舍園圃誰家露野亭天宇
蕭疎眼界闊一時清興附鴻冥

公回晚眺

城北循行薄暮還逶迤巖壑自間閒村名仍系羗髻舊禮
數今崇法令頒樹色輕蒙時隱樹山雲層迭更成山紅霞
紫靄低千里迴首宸京縹緲間

觀穫南城

秋成刈穫共操刀風動歡聲興最豪一片雲垂盈地厚千
村露積列山高牛車隔嶺輸場圃婦子遵田任苦勞更喜

霑勻雨水後稻畦才淨豆平濠

龍華曉鐘

署知州曹湛

勝據霑陽一郡收阿幢橋畔古丹邱雲鎖松頂天低樹寺
壓山巔石倚樓獅子窟空暝霧斂龍華曉霽曙烟浮鯨音
響處鐘初動萬壑聲歸象外幽

交河夜月

浩氣空濛極莽蒼碧琉璃瀉郡城傍大江西折交盤臘孤
月東流走石梁珠捧鮫人呈貝闕鏡窺螺女倩新妝松林
梅壩清如許一洗平蠻瘴癘鄉

天生瀑布

霑益州志

卷六

藝文下

二十六

珠玉何從落九天廬山自昔出靈泉渚宮鮫客銀爲練石
洞仙人水作簾瀉徑碎花岩濺雪摩空晴雨壁噴烟好將
高壩東西注灌我農家原上田

烟霑青亭

翠壓嵐拖一小亭晴熏郊外野花馨到來滇左風光地忽
憶江南烟水汀螺髻峰藍迷短檻鴨頭波綠蘸疎櫺當年
作育稱斯最惆悵西平萬柳青

五臺擁翠

五臺山氣鬱佳哉翠擁嵐封掃不開黛鎖修眉青嶂合玉
攢繡帶白雲堆三峰疊巘連天矗兩水交流抱郭來勤政

自昔輕謝客漫勞著屐陟林隈

石佛停舟

孤艇斜撐水一灣停橈江上對潺湲
烏蠻彌部成今古白浪蒼波任往還
杯渡何曾歸海外錫飛猶是在人間
可知閱世無心處獨泛虛舟意自閒

東山春樹

誰將筆妙畫參差翠點東皋景最奇
山學髻頭新沐後樹疑鶴翼漸生時
紅垂鮮豔花含笑綠染重陰鳥解頤
可喜羣山歸樂育萬家春影共春熙

大覺棲雲

霑益州志

卷六

藝文下

二十七

川
三
八

高標一剝摩蒼穹大覺清幽萬象空
古樹納雲僧舍隱深林逼澗小橋通
羣山繞寺嵐光合流水當門碧色融
更向峰頭探勝概霑城入望暮烟中

遊大覺庵偶興

浙西人
董學熹

春到邊城何處尋霑陽郭外有雙林
沙蘿花發塵根淨貝葉香生道味深
一片山光娛老眼數聲鳥語解禪心
何當紅紫爭相艷詩思離情兩不禁

過交水贈李同年學博

隴西人
羅元琦

苜蓿盤中冷鄭虔莫言同病便生憐
郡齋取法胡安定經笥羣推邊孝先
但使及門嫻六籍應知講席兆三鱣
多君

昆仲相師友早識聯珠集竝傳

酌羅隴西同年

江州學正李文黼

青氈借暖意虔虔瞥眼春光每自憐
檄捧毛生唾我後政成潘岳讓君先
鏡中已見霜侵鬢席上寧期鳥落鱣
遙計行程歸侍日斑斕彩溢畫圖傳

天生壩讌集分韻

十四寒

州人劉佩玉

春明金谷長幽蘭北海樽開儘日歡
嶺截亂雲依峭壁巖噴古雪宿沙灘
山花對客偏多媚啼鳥催詩酒未闌
白石青松猶有約尋幽不惜過橋難

前題

五微

州人張純禧

霑益州志

卷六

藝文下

二十八

春郊二月柳初肥四顧烟嵐入翠微
鰲徑嶙峋開疊嶂龍門雷雨闢重圍
山噴素練連雲瀉岩結層樓帶雪飛
得句驚人懷謝眺春花秋草兩芳菲

前題

八庚

州人尹振伊

人從嶂外聽啼鶯少長咸攜倍有情
水繞孤村青嶂合山連野寺白雲橫
松濤一派樽前落雪浪千排洞口傾
泉石從今傳勝概蘭亭不讓右軍名

前題

九青

州人尹似伊

四壁幽巒草色青濤聲如沸日光冥
溪邊散帙催詩句石上分籌傾綠醕
鶯喚春暉浮柳岸魚翻旭日燦沙汀
歡歌

不讓平原樂惟有桃花笑客醒

初夏

王 璨

四月山園春意收小亭漸覺綠陰稠
新篁粉褪經梅雨野鵲晴喧報麥秋
檻拂茶烟人問字几連花架客科頭
敢將長夏仍虛擲抽得南華細校讎

登象嶺偶作

不慳春色是青山閑聽遊人自往還
雙屐直臨霄漢外孤樽時到翠微間
霧盤嶺脚如橫帶雲籠山頭作巧鬟
醉後攀藤過野澗泉聲送客水潺潺

交河夜月

霑益州志

卷六

藝文下

二十九

仙源雙滙遶城過龍窟傳更倩鼓鼉
水湧冰輪歸碧落天移寶鏡入青波
銀蟾靜照明珠滿玉兔常圓鮫織多
我欲乘槎霄漢上瓊樓聽奏紫雲歌

東山晴望

王育仁

翹首岩堯倚碧空孤懸峭壁掛長虹
天風嘯出松濤外雲氣消歸草澤中
幾處烏啼樵子路數聲鐘响梵王宮
須臾曙色留殘照龍嶺嵐烟罩碧巒

小村花雨

連口濃雲著雨根賴傾佳釀傲黃昏
小池夜漲鳴蛙鼓斷岸朝頽軋竹孫
虹脚蜿蜒吞野澗蝸涎聯絡上柴門
村童

蚤起爭持罩捉得梭花已滿盆

遊龍華寺

州人 傅又說

古寺松陰不記年千岩高壑綠參天
枝頭猿鳥啼秋雨樹裏樓臺鎖暮烟
風帶濤聲歸小院色攢雲影籠平川
上方竺國應如此俯瞰西平鷲嶺懸

天生瀑布

州人 黃文靖

高壩橫江走玉虹皎如素練掛長空
飄來銀雪千層浪散作瑤珠萬派融
每傍晴暉懸上下還同陰雨潤西東
何年鑿就佳山水翹首青冥問化工

遊天生壩寺

州舉人 王宇謨

霑益州志

卷六

藝文下

三十

三三三

步入禪關覓遠公登臨不憚石梯重
數聲清梵聞天籟萬壑寒濤起澗松
風動經文翻貝葉僧傳衣鉢繼蓮峰
葛藤話久忘塵慮已值黃昏起暮鐘

石佛停舟

長天皎潔水潺湲一葉舟圍四壁山
纜繫晴虹通赤岸帆飛化雨靖烏蠻
薜蘿垂幔風烟古渡濟忘年日月閒
詩客攜樽花嶼上唱酌達曉不知還

石佛停舟

州人 劉世裔

誰駕慈航古渡頭屹然特立幾千秋
因憐石性長爲佛爲濟塵途故繫舟
砥柱難移看止水風帆不動得安流
道旁

如許迷津客閱盡繁華未肯休

八景和韻

龍華曉鐘

主秉強

翠靄烟嵐一望收
嶙峋應弗讓愚邱
山崇古剎探天頂
人坐青雲倚玉樓
老樹幾經識變幻
梵音何事自沉浮
莫嫌春去留難住
陣陣清聲萬慮幽

交河夜月

千河一月印蒼蒼
名著交城古驛旁
掬水渾疑清徹骨
踏橋恍欲鵲爲梁
微雲淡處函金鏡
銀浪開時湧玉粧
不信旅人愁更甚
而今也值在他鄉

霑益州志

卷六

藝文下

三十一

天生瀑布

是處飛流盡接天
巨觀端不類貪泉
層層白浪翻瓊磴
滾滾銀波挂玉簾
萬壑千山青欲雨
蓮塘柳圃靜無烟
此都幸獲逢年福
休使斯民有曠田

烟靄青亭

誰從池畔置閒亭
草綠風斜菜子馨
四面水環吳赤壁
一行隄隱越沙汀
山頭涌霧遮迴檻
院底鳴哇噪短檣
最是起人欣羨處
古碑姓字已留青

五臺擁翠

峻嶺嵯峨亦異哉
五臺風景此重開
名齊山右烟霞侶
翠

壓滇南錦繡堆出岫白雲爲雨去撐天古榦障陰來何時
覽勝欣一過暫謝塵氛憇碧隈

石佛停舟

山石橫臨曲復灣宛然指點泊潺湲駝經白馬時方逞入
夢金人未倦還慾海何曾登彼岸蘆舟誰信到人間憑樓
欲語浮屠子坐看南東那個閒

東山春樹

涵濡生氣綠差差造物無端一出奇翠黛天然迴麗日嫩
黃有意綴良時閒評野草歸蹄穩漫數峰青客興怡幾度
登臨頻悵望空教妙手說徐熙

霑益州志

卷六

藝文下

三十二

大覺棲雲

巍然高跨接元穹特立山巔四大空八景已隨名勝列

大覺

庵另有八景

一花直與太虛通

寺內有一花堂

春歸碧水翻香艷秋老

蒼梧近月融門外市囂渾不到仙居元自覓塵中

五言排律

交水道中感懷

錢點

憶昔出門日蹉跎已十霜他鄉頭易白老樹葉多黃疲馬
知途遠愁人覺夜長離情如在夢行跡似投荒親友書千
里關河天一方歸心馳壠墓時事應滄桑縱過繁華處教
人亦感傷

交水道中吟

趙善鳴

爾馬陟山巔我車猶澗底及登絕頂時山麓人如米高下
固相宜至善有定理朱旛度澗田紅雲起天際力行須及
時知止方爲貴行行造安居僕夫猶未匱

七言排律

青青亭教讀咏柳

甲子舉人朱 袞

南郊地濶惹塵稀一望平湖萬柳圍綠鎖重臺烟漠漠青
環曲岸雨霏霏沉淵密影搖空碧插漢濃陰掩太微接葉
翻黃宜燕舞高枝繞黑信鴉飛鶯遷古幹稠添羽客度清
芬謾解衣夏日乘涼歡滌暑東風送暖愛披幃經秋淡彩

霑益州志

卷六 藝文下

三十三

依簷竹帶雪枯虬侶釣磯寒食報春金繭瘦晚颼鼓霑玉
蛾肥倒垂疎體敷平浪反掛柔絲挽落暉林外村墟觀隱
躍幕間亭館看依稀臨軒翠色侵窻隙入座幽光點月輝
書案橫飄疑拂塵花簾斜倚訝懸徽文思欲倦欣舒眼逸
致方來喜映扉質共李桃爭挺秀艷同紅紫鬪芳菲夜星
曉日帷中電去馬來車幔裏駢古道長堤留勝賞詩懷酒
興發天機

青青亭咏海

落落孤亭水際橫銀湖一片四窻明柳陰倒挂青乘碧雲
影翻騰雪映晶上下禽魚天底過往來車馬鏡邊行水盤

照月金波徹玉面乘風錦浪輕入夜星輝汜碎鑿經秋漢
彩墜長莖火臨岸上珊瑚走日出陂間琥珀生白鷺棲汀
霜帶粉遠鷗浮渚露含瑛凭欄搦管詩懷放席草開樽酒
興宏滌暑偏宜朝襲爽消塵更愛晚披清遊人對景心先
曠騷客探奇思欲傾靜裏澄神觀止境動中舒眼看蓬瀛
偷閒遶步頻歆賞圖畫文章無限情

龍山秋望

州人 張國龍

梁州繁劇稱霑地秀毓龍山勢縱橫黔道東奔萬仞險交
河西遶一泓清天生壩上雪常剪憩鶴亭前柳乍傾楓木
山腰排古寺蓼汀海岸擁孤城人家遠近星碁布樹影高

霑益州志

卷六

藝文下

三十四

低鳥雀爭四水溪連雲未散三峰霧捲雨初晴正當紅葉
疎林响况值黃花滿地驚蕭蕭玉露凋羣卉拂拂金風掃
落英絕壁晚霞六七里長空旅雁兩三聲樵歌嶺外悠如
瑟牧笛坡前宛似笙縱目巉巔觀鳧舞煮茗寒澗聽蛩賸
何必廟廊始快志自知邱壑可怡情謝安攜屐踪難續王
粲登樓事足評四皓茹芝匡漢鼎七賢伴竹博浮名遣懷
籬畔思彭澤墮淚窮途笑步兵搔首流風今渺渺悲秋壯
志尙錚錚曠達古來多異士飄然物外鮮所營懶人弗解
憑高趣搦管聊爲井底鳴

五言絕句

咏交水八景

李文黼

龍華曉鐘

古剎南山麓晨鐘三五聲世塵殊夢夢清響振交城

交河夜月

未計朝宗日交流在此間銀波凝月靜星漢一天閒

天生瀑布

峭壁高千尺飛泉落九天分明垂匹練欲護洞中仙

其處有仙

洞人

石佛停舟

不是釣鰲叟停橈泊水濱慈航如可渡好待問津人

霑益州志

卷六

藝文下

三五

五臺擁翠

調馬登高阜攀蘿上五臺四圍蒼翠色盡向此間來

烟靄青亭

當年誰值柳此際已無亭

亭圯

春色依然在平川望眼青

東山春樹

地迥山藏寺春來樹作花登臨舒嘯處烟火萬人家

大覺棲雲

大覺禪林好山川出白雲雲根知有在竹木影繽紛

登城秋望

古堞暮聲秋登臨望遠疇清烟團翠色歷落滿蓬邱

七言絕句

去任留別四首

知州 廖躅芳

屏廠東門六詔開萬家烟火鎖蘭臺撫茲一載慚循吏無
限深情付老梅

秀色橫空挹五華西平才子競相誇新栽桃李將成樹瞬
息天涯望眼賒

清秋爽氣徹峻嶒畎畝溝洫景象增石壩天生滋灌溉依
依千里夢魂憑

雲起南天八部連黃童白叟足垂憐不禁惜別闌干淚遙
寄青山古寺烟

霑益州志

卷六 藝文下

三十六

大覺庵八景

竝序

王秉韜

大覺庵爲州名刹向有十景截句詠者滿壁惜題多假
借未能恰合己丑九月公餘偶一登臨裁爲八景各咏
一絕志之

曲水環山

黑橋遙望樹烟沉蹊徑曲通古寺深一水周環流不住纖
塵何自到重岑

畦田結網

繡壤層層遶翠巔緣堤春草白綿芊魚罾誰灑平田上一
片經綸結遠天

參天栢秀

遒枝細葉蒼茫立拔地通天意態閒丞相祠堂何處是客
來徙倚老禪關

皓月桂香

古幹婆娑色臭盈况逢佳月倍空明閒窓叟叟香風拂玉
宇瓊樓世外情

翠麓藏雲

蒼翠沉酣迷嶺畔白雲荏苒住峰頭個中靜者心常定寧
逐飛雲共去留

疎石布景

霑益州志

卷六

藝文下

三十七

幾處嶽嶽小石峰光明磊落綠茸茸縱橫不假人顛倒位
置天然萬古蹤

碧梧蔭綠

孤高百尺憶龍門碧影於今蔭野園珍重養成棲鳳地年
年歲歲益翩翩

紫竹搖青

碧葉風來搖个个紫株林立峙亭亭幽花披拂分明見好
鳥飛鳴自在停

大覺庵

卽景四首

李文黼

麓水

山不高兮水不深橫拋玉帶鎖禪林三春流出桃花瓣翻
使漁郎幾度尋

古栢

寒山雨雪任交加贏得霜皮老歲華坐久不知香氣近還
將清馥問梅花

遲月

莊嚴妙相金鋪地一片清暉月在天佛現光明開寶鑑千
江有水印都圓

棲雲

日霽還疑僧眼碧雨餘遙見佛頭青三生石上雲根在膚

霑益州志

卷六

藝文下

三十八

山
二
下

寸合來泊遠汀

以上舊志

採訪各體詩附後

五言律

秋夜和韻

邑人

王育仁

夜深猶不寐靜裡數疎更砌冷哀蛩泣窻虛斜月明書空
惟酒券知已是琴聲愁劇工詩未長懷謝眺清

石

知州

陳燕

苔莓不斷青雲起最稱靈怪作櫻人狀頑成卧虎形忍風
皮皴皺傲雨骨瓏玲我所懷疑者點頭因說經

苔

沿階青不斷葱鬱到堂前昔疊錢斑駁今盤篆蜿蜒空庭
知過雨古磴欲凝烟偶值佳人步應難覓翠鈿

草

一度東風起無端蘓燒根夢初回碧沼生不慣朱門野曠
隨增綠天低欲抹痕年年滿芳徑只爲送王孫

秋海棠

泣血生寒豔斯情何許深秋風游子恨芳草美人心牆角
疎陰覆天涯舊夢尋相思古時淚作態到而今

深宵無寐

銀漏催何急虛堂爇燭光寫懷琴一操寄傲酒盈觴霜重

霑益州志

卷六

藝文下

三十九

川
刀
三
七

鶴魂冷月低花影長深宵人不寐多半是思鄉

五言絕句

春怨

知州
陳燕

獨自倚欄杆薄暮東風緊燕子不歸來梨花飛欲盡

傷別

未經離况苦安知離恨長堪怪痴懷女貪嫁多情郎

五言排律

交水酌二川兄宅次日自馬龍束之明俞汝欽

晤方一月少別忽十年餘再撥王生棹纔登戴子廬已憐
隔千里還媿滯雙魚道義兼鄉榜嗟磨况尙書乏才徒險

路篤學暫幽居舊侶晨星若高情濁酒如共驚片時會獨
訢半生迂遠俗惟携帙投峯只跨驢屢霜遯巖穴窮晝伴
樵漁俯自澆漓後遙觀混沌初子淵瓢可飲大舜草甘茹
憇樹旋移石沂泉便拽鋤每哀歐老軸不羨石家儲頓置
冠裳念渾忘歲月徂調能拋寵辱絕勝耀門閭此意原非
矯斯言固不虛一朝願偶拂踰稔困難除重走天涯徧偏
於世味疏人情非昔者吾道合歸與不妨狼當道毋驚鶴
在輿滔滔方舉世耿耿豈惟余誰挽長河水咸疏大地淤
積薪願上賈曲突更憂徐使彼烽烟息咨吾嘯傲紓栽松
環小院培竹影清渠倚檻調新鶴供觴煑嫩蔬需時任偃
霑益州志

卷六 藝文下

四十

仰養翮待吹噓竊見美若此如非盍正諸辭從知己罄懷
到竹鄉舒欲睽仍繾綣既別復躊躇尚想醅醪在猶疑鄙
吝祛倘堪托鴻雁定不惜瓊琚

張萃堂洞居

邑人 鄧國梁

慨我勞塵市懷君逸石泉步趨溪上路俯仰洞中天意蕊
尋新夢心花素嗜惜花憶舊緣有巢鳩奪也毀室房屋被賊燒燬鳥傷

焉谷係匆匆入喬宜緩緩遷石床連客座塊枕伴書眠小
飲茶爲酒素嗜辦採茶以此代難幽居日若年暫同高士隱酷肖

避秦仙

七言古

出霑益

昆明人乾隆辛卯進士 錢 澧

去年苦水今苦旱十月麥猶一寸短板橋驛到交水驛一例無霜氣和暖今朝初日曛曛開簇簇馬蹄翻赤埃忽然雲霧塞前嶺淅淅北風吹雨來雨來滋麥兼滋豆但願綿綿不願驟千里同沾半犁透明年不慮養農

衝口而出似謠似
諺極朴茂之致

車紅江

東川人原籍荆州 劉漢鼎

江在州西百餘里由曲靖赴東川要道向設石墩架以木梁每遇暴漲梁輒毀強以船渡歲有覆溺之患慘不可言余為建石橋其上長二十餘丈寬丈五六尺下為七空瀉水今已二年事將觀成矣

車紅江水日淘淘奔流競欲先朝宗瀾望狂瀾不可障牂

霑益州志

卷六 藝文下

四十一

牂一綫杳難通伊昔架墩成畧徇往者來者趾相錯不堪
歲歲夏秋交祝融少皞共激薄馮夷肆虐助其威翻動雲
根帶潮落深林處處鷓鴣啼亂流誰慣學鳧鷖過涉弗知
滅頂戒愁雲毒霧增慘悽我聞成梁載月令詎忍當途設
陷弃大路不平人得剷束薪累石求通順審地幾週遭經
營敢憚勞安危爭一舉得失界秋毫延袤廿丈穿七空橫
以兩尋高倍聳舉步當擬賦凌雲褰裳不用嗟濛濛吁嗟
橋成心已殫自傷筋力不如前第期雁齒蹲鴟影長在蒼
烟暮靄間

余昨過東川路成野馬川聞劉翁修路時尋得道旁石山
一處鑿取之亦盡奇事也其易汗萊為坦途

行者賴之口碑載道今見所咏乃知野馬川路特為善
事之一耳迹翁生平行事不必以詩傳然天籟之鳴動
關至性蘓亭先生謂其暗合道妙即謂翁為詩人也可
新興李本芳林翹識

雲南懷古

趙州人雍正
丁未進士 趙 淳

老君崛起自崑崙梁州列巘如兒孫金沙鹿滄環南北萬
派朝宗赴海門楚躡畧地分滇國唐蒙開道繼嘗頌西征
司馬入夜郎牂牁沫若知經籍金碧何勞漢使勤白狼一
頌遠夷賓馬龍白鳥相續見雍由獻樂許為臣云胡梗化
聞雍闔九隆兄弟紛難解丞相天威著七擒至今鐵柱豐
碑在須臾萬歲來扶碑明珠奚以爨翫為不見痛哭還金
者梁一矢未折功名垂李唐蒙舍兼五詔知古虔陀太多
霑益州志 卷六 藝文下 四十二

不道失却夷心附土蕃二十萬師埋荒嶠潛移默化賴鄭
回韋臯宣詔聲如雷從此牟尋奉聖樂會覩元和新印來
未幾嵯巔復入寇龍晟已去立豐佑籌邊賴有禦侮樓李德

裕近我髦倪成宇宙旋侵黎雅入西川攻陷邊關數十年
若非節度來千里和親辱國亦堪憐展轉竊據終五代玉
斧一畫分中外革囊太弟元世祖渡金江交趾吐蕃齊擁戴

綏懷委任賽平章建學明倫教澤長祇因蛇節夷首征媳婦

國名烏蒙烏撒始無良左丞段實歸明主潁川西平傳有德
沐英

靖滇土中邦大姓絡繹來人才美盛過前古最苦從亡建文

十一人龍潛蠖屈竟沉淪補鍋賣菜皆奇節牢落西南四

十春沐晟漫受給思任兵連禍結成邊釁雖有王驥靖遠
功老師冒餉不可問那堪贖貨來錢能九閩不報文章論

試看楊榮

太監

貪橫久還如象齒自焚身隴川復助緬甸亂

疊侵西迤掠施甸知兵誰似鄧子龍平麓城成屯政善笑
殺滿城冠帶倫縑印給賊何汶汶逾年會有駢首日何不

當時大義伸總緣苛政猛如虎解教軍書成旁午前有補

鮒後名聲必奎

三土酋名

送盡明疆土滿目皆沙

定洲

可若何焦

陳殉節走天波孫劉李艾如流水潰堤決堰成江河我師
拯溺入滇迤僞藩空戴桂五子玉龍一敗不可支平緬殊
勲三桂取恃功旋蓄不軌謀天誅大逆殞衡州世璠壯圖

霑益州志

卷六

藝文下

四十三

何爲者畢竟同歸作俘囚從此南中稱樂國蠲賑時聞歌
聖德絃誦雝雝滿百城向日卿雲成五色老撾重譯遠來
王緬甸蒙番隸版章雪嶺春回嵐瘴淨邊城人歌有道長
史臣珥筆紀滇志維予不敏亦襄事往蹟昭然信有徵千
秋治忽爲君記

雖無大過人處然洋洋灑灑間
有名論可以該括一部滇志

送春行

知州

陳燕

纔覺春初來怎便春又去我輩焉能挽春住佳人名士傷
心處家家門巷遍飛花處處樓臺亂舞絮飛花舞絮不堪
描盍趁東風歸九霄天上人間同此恨紫樵紅悴自今□

花多付水亂春流柳自籠煙爲春愁燕啣花片鶯嘶柳尙
作癡情苦計留

七言律

交水

明 彭而述

歷盡巉巖更着鞭忽逢水國見桑田時光乍可如三月風
物依稀似潁川幾處茅屋攢葦岸一堤楊柳帶城邊雕弓
挾彈誰家子手擁紅粧馬上旋

交水

明 朱 昂

無數垂楊起大風雨痕吹斷夕陽空人家隱約桑麻裏山
水冥濛烟霧中野寺晚鐘敲月黑戰場燐火亂星紅不知
何事關吾意每到登臨感莫窮

霑益州志

卷六

藝文下

四十四

交水驛贈別黃象山同年

昆明人乾
己卯舉人

隆文泰運

叔度今違十七年金臺同醉看花天誰憐一第遺羅隱敢
望諸公識鄭虔匹馬歸程共雲水新橋岐路各風烟莫愁
後會添離恨好舞斑衣娛壽筵

霑益州

姚州人雍正
己酉選拔

夏銘新

烟連平楚護雄州沃衍青葱入望幽百里層山皆北向二
江合水自西流路縈花柳春元普室有絃歌化雅留回首
馬龍餘象塚已無遺老說戈矛

題烈女呂煥女碑

吏目 吳 晟

貧女羞容劇可憐無端行露促髻年香枝肯被狂風折玉
質拚投野水眠已定爰書申國法更邀旌典慰重泉留得
聲名千載重姮娥空對月華圓

春柳步韻

邑人 馮晉恩
拔貢

依依春色可人憐三起三眠麗曉天金縷含風爭婀娜絲
條凝露湛勻圓隋堤暗逐游塵淨灞岸新牽別恨綿記得
神君彈指兆染衣仍自惜芳年

風流齊殿劇增憐管領東皇媚遠天眉黛斜窺烟影淡額
黃低映浪痕圓輕盈雅度裁吳素繾綣深情疊楚綿萬樹
亭亭垂蔭遠滋培應共卜他年

霑益州志

卷六

藝文下

四十五

秋柳步韻

原隰高秋聽奏笳征人感物賦皇華關情玉笛懷孤雁著
眼疏枝數亂鴉惆悵莫辭寒露溼參差還倩好雲遮御溝
春信曾留待再向長安認酒家

嶺上西風慘暮笳不堪回首憶年華江天散亂圍黃鵠野
岸依稀起瘦鴉一曲清商煙淡漠幾翻離緒話周遮五株
休羨陶彭澤待欲垂陰翊漢家

題石儂廣寒吟夢冊子

漏永三更月半明輕風飄送步虛聲人於靜處神偏爽吟
到仙來夢亦清陸海浮生多幻境蓬山天女罔癡情空空

色色黃梁飯藉得前因證夙盟

和戴安溪學博遊大覺禪院

名山閱後又餐霞
仙吏風流信不差
濟勝曾聞攜蠟屐
參禪何事著袈裟
天開佛地雲棲翠
寶散空堂雨一花
樂育不妨資眺覽
遍栽桃李蔭槐衙

大覺棲雲

擬八景

邑人

李銘鼎

禪林勝境最無窮
大覺清虛萬象空
青嶂平拖八景外
碧雲半落一花中
畦田結網迴峯遠
秀水環門曲徑通
自古名山開佛地
遊人何必問蒼穹

五臺擁翠

霑益州志

卷六

藝文下

四十六

山石齊名佛地開
四圍蒼翠護瑤臺
煙霞每自三峯聚
錦繡還從萬壑堆
水疊惟聞雙澗外
雲深不見五郎來
何時得覽名山勝
醉答乾坤酒一杯

交河夜月

白雲捧出一輪秋
影入長河古驛頭
海窟盤中憑我賞
驪龍項下有誰偷
孤帆過處疑初蝕
清浪開時漸逼舟
玉宇高寒不可到
青蓮何事任風流

東山春樹

淡綠微黃色色新
東皋一望淨無塵
巖前壑下誰家植
雲裏日邊何處春
柳暗樓臺風乍暖
槐深門巷鳥初親
登臨

不見衣冠魯致使英雄淚滿巾

龍華曉鐘

何處金鐘送五更
南山古刹韻彌清
天空點點隨雞唱
夜靜寥寥雜漏聲
遠近荒村人未覺
往來野店夢先驚
明朝試問浮圖子
何日敲通世上情

煙靄青亭

誰將此地置閒亭
點綴西平入畫屏
水拂嵐光拖曲檻
風斜翠色壓疎櫺
一川盪漾漁波影
四壁蕭條黍稷馨
曾是昔年作育地
至今惟見柳垂青

石佛停舟

霑益州志

卷六

藝文下

四十七

川
丁

慈航如柱砥中流
來自何年欲點頭
日與雲山同漠漠
夜隨江水共悠悠
看穿名利三更夢
歷盡滄桑幾度秋
卷石宛然成造化
晤來卽是一虛舟

天生瀑布

一派泉聲似鼓絃
來從峭壁灌良田
明珠碎擊噴成霧
素練長懸散作煙
鮫客秋來原有信
仙人春至倍增妍
化工有意羣生業
不似廬山空自懸

紅桃花

梅已芳菲杏已紅
玲瓏萬朵出牆東
魂飛觀裏春難辨
霞隔溪頭夢未通
西子添粧融寶炬
太眞扶醉跨殘虹
幽情

欲向誰人訴併在相期一笑中

白菊迴文

移花乘雨微浸根老圃秋光玉吐溫披石寒霜清比潔透
窻疎月冷銷魂詩吟醉裏香濃淡露滴愁中夢曉昏遲掩
畫簾風捲半籬東采蝶舞翻翻

贈唐吉修烈女

馬龍州人 王致中

唐女捐生傑且雄全貞意氣感雷風消除歷劫無邊孽奪
得諸仙第一功飛鳳豈隨凡鳥伍孤松弗與衆花同潛修
早復光明性千載精靈映彩虹

隱隱金戈繞畫欄欲飛展翅亦艱難惟存烈性拋塵世詎

霑益州志

卷六

藝文下

四十八

川
名
錄

羨凡情圖慰安別母慘悽揮赤淚辭兄悲切抱貞肝烏啼
月落傷心處借此磋磨出苦灘

水火陰陽向鼎烹青春少女鍊元精能完白璧烏容玷獨
抱丹心竟舍生雲黯霑陽人不見鶴歸華表月猶明縈縈
愁緒緣何訴借取花箋寫怨□

少女傷悲血淚流捐軀尙慮母添憂驚天節自人間立填
海冤從覺岸休皎皎壺冰空色相盈盈鏡月證清修於今
回首還原路粉碎塵埃得自由

題贈唐烈女和原韻

邑人 貢生 呂保文

從來忠孝出英雄今羨唐家烈女風玉質無瑕完勁節金

爐有願習禪功舍生取義將凡棄誓死成仁與聖同懍懍
貞魂千古在心如皓月氣如虹

秋菊清香撲畫欄蛾眉遇賊翅飛難身堪化石心無昧字
可剪金性自安感格風雷昭烈節消融冰雪濯貞肝能爭
瞬息成千古已仗慈舟過急灘

黃庭悟徹五行烹百折難回志最精缺補乾坤完正果貞
留宇宙勝長生兩行血淚拋珠似一點丹心貫日明苦海
頓超登極樂全憑慧劍斬凡情

慷慨捐生屬女流溫言慰母莫兒憂悟空頓覺身原幻完
璞何須恨未休嶺號清風存烈蹟峯懸明月了眞修斯人

霑益州志

卷六

藝文下

四十九

應載西平志百世名香信有由

春柳

知州 陳 燕

好是青青颺酒旗含煙帶雨總相宜海棠伴睡增嬌態溪
竹爲隣襯短枝條漏春光新鳥覺絮成雪陣美人知蠻腰
豈盡狂風折故作多情送別離

一曲陽關笛甫聽濃陰已遍短長亭登樓少婦無端恨繫
馬勞人幾度經嗟我逐塵頭漸白感君垂眷眼恆青飄零
最是風中絮莫再隨波化作萍

依依翠縷裊風前每遇行人勢欲牽繡陌驂輿蒼靄地畫
船簫鼓夕陽天任教花點迷蝴蝶怕向叢陰聽杜鵑好是

清明佳節至賣餠聲滿灞橋邊

夾巷臨衢盡綺羅章臺韻事寫如何
緋桃白李交烘豔紫燕黃鸝互送歌
萬縷愁懷舒夕照三春好夢付晴波
眉顰自被東風解嬈嬈婷婷媚態多

春日巡郊便遊北山寺

春巡何地駐征驂北嶺臨村古寺庵
一路碧塍生爽氣四圍青嶂擁晴嵐
山川能助詩懷遠政治難將佛法參
遙跂白雲輕覆處依稀親舍在天南
嶺南在滇之南三千里時事艱難不如歸去爲妙

客中秋感

西風颯颯透重羅遙對飛雲發慷歌
萬里客心驚木落一霑益州志
卷六 藝文下 五十
年病體惜陰過豐功豈羨凌煙閣
涼夜常看帶月蘿寄雁家書何以報
天涯遊子感懷多

客中倚樓

浮蹤何處足盤桓姑倚高樓縱眼看
才薄感秋慚作賦酒闌聽雨覺生寒
離家長笛心愁弄伴客殘書意倦攤
隨在山川須領畧乾坤清氣得來難

有感

久思合眼世間行造化低昂所弗驚
有幾再來如意事何須動作不平鳴
物多見棄因殊俗人易招尤爲獨清
天地生予應早定素懷豈必在浮名

送春有感

燕語鶯歌次第施，東皇旆返恍先知。
雨餘幽草綠三徑，風掃殘花紅半池。
百歲韶光容易過，一年好景暫難遲。
遊人不共春歸去，復忍酸腸聽子規。

閨思

慊慊嬌病懶梳頭，日檢郎書看一週。
刺繡怕拈蝴蝶譜，買春孰典鸚鵡裘。
剛眠又起無聊睡，欲笑還顰未了愁。
芳草天涯翹首認，好憑魂夢到涼州。

秋柳五首

枝上黃鸝曲已終，無端唧唧又鳴蟲。
青霜逼眼眠難穩，翠靄銷眉畫不工。
綺閣濃粧停少婦，玉關老淚灑英雄。
長柯慣作隨風勢，莫訝千條盡向東。

霑益州志

卷六

藝文下

五十一

踈蔭難遮送別亭，翠絲金縷盡凋零。
豈今枯幹還生蘗，計昔飛花早化萍。
撫景天涯傷瑟瑟，尋踪客舍憶青青。
陽關漫奏商音笛，多恐行人不忍聽。

一年孰與共枯榮，原草離離證舊盟。
和暖雨煙心尚繫，淒清風露夢頻驚。
荒村薄暮寒鴉宿，塞道橫陰老馬鳴。
月色滿天霜滿地，何人夜半倚邊營。

無幾殘條曳碧津，賣鱸漁父折何因。
牽衣却已非前態，染袂誰還信有神。
酒店旗兼黃葉亂，沙汀絮讓白蘆新。
西風

悉把嬌姿妒惱殺章臺走馬人

金城幾樹氣橫秋景物蕭條感舊游京兆於今愁弄管美人從此怕登樓蟬猶葉底鳴哀翼客孰橋邊繫彩舟料得靈和六宮女舞腰近亦減風流

自感

俯仰乾坤覺甚寬胡爲踏跼在衣冠升沉早付三杯酒榮辱何爭五品官獨守先型滋毀易未諳時尚見知難曷如解組歸林去風月湖山任我看

辛巳誕辰劉瑞伯西席贈什爲壽步韻答之

逐逐風塵不了忙半生傀儡溷喧場爭功忘老悲廉頗好霑益州志
卷六 藝文下
五十二
客沾名笑孟嘗泉石山林緣未結辛勞奔走債焉償毫無建白虛增齒深愧三多祝瓣香

步韻酬鄉人李報瓊所贈

久欲羅山作隱儔世間名利那圖收此邦宦味原如水邇日詩情渾帶秋鄉里常回游子夢天涯同繫旅人愁浪萍風絮何時定應念雙親已白頭

漁父

平生親狎是沙鷗水國逍遙不計秋半網夕陽楓柏岸一篙新漲荻蘆洲煙波垂釣長逃世鱸鱖供餐足勝侯怪底子陵身謝後更無人效着羊裘

置謗

從來俗口本無聊類判薰蕕舌易饒譽毀世因爲喜怒行
藏吾自課良澆解嘲楊子徒修論省過曾賢謹樹條我有
法兮憑我用是非何足恤囂囂

卸任霑陽留別諸士民

甲申仲春月

屈指牧斯將兩載歡聲閭里未嘗聞雖云國計當求富畢
竟民生貴在勤偃草有心期默化種棠無蔭覆黎羣才踈
愧我膺繁劇善政還望後使君

平生竊有志爲霖任鉅權微力不禁軒冕恒防尸位誚家
山時切養親忱是非準理何來訟長短憑心未枉尋明日

霑益州志

卷六

藝文下

五十三

南關休祖餞怕聽鶯語囀春林

重牧霑益諸士民迎於道左不勝欣感

乙酉仲春

鴻跡依稀麥隴隈客春去路隔年回擎將此日迎茶碗醉
憶前番餞酒杯缺袴小民仍未瞻耽琴刺史又重來道旁
幾樹天桃發也見劉郎笑口開

贈唐吉修烈女和原韻

學正

莊致和

矢死求全智且雄太原閨秀足移風能完太璞成豎白曾
誦心經習靜功服毒舍生謀早定投崖保節烈相同不甘
賊辱身先喪正氣凌霄可貫虹

怒馬長戈夜刼欄從容就義古猶難深宵賊逼辭兄去後

日人誰問母安交奉蠲衣藏遠意銷磨鐵石作貞肝回頭
早向西歸去覺岸高登離險灘

全節身甘鼎鑊烹心堅耿耿貫元精願隨楚女投江死不
效文姬出塞生大節風雷同迅烈貞懷日月共爭明不留
人在留名在地老天荒鑒此情

忍辱偷生笑下流死能得所又何憂強人凶暴今安在烈
女芳名永不休霜白凌寒松獨秀冬青傲雪竹同修斯人
載入西平志易俗移風信有由

疊和原韻

完貞誓死志何雄慷慨捐軀泣雨風性淑讀書知女道家

霑益州志

卷六

藝文下

五十四

貧供食賴鍼功青天不老烈長在皓月難污潔與同共羨
舍生能取義心如皎日氣如虹

潛修早戒五葷烹三寶皈依志久精孝女竟能爲烈女舍
生不肯惜餘生如蜂擁去雲皆慘化鶴歸來月共明他日
綸音旌表至增光泉壤慰幽情

夜靜更深月照欄倉皇刼取脫身難依親禮佛衷常切從
賊甘污死不安堅賽石金成志烈清融冰雪滌心肝全貞
全孝兼全節解脫塵緣出苦灘

不惜餘生付水流粉身碎骨總無憂行凶首惡加誅死助
虐羣奸染疫休白璧無瑕完素志紅塵早去了真修能爭

一息成千古感發人心信有由

過呂烈女墓有感

拒奸被殺羨閨媛生氣今猶懍懍存白水無情全素志青
山有幸葬貞魂點污不受狂且玷一死甘教熱血噴若使
人人能效此世間何處有淫奔

百折貞操撓不回拒姦受害事堪哀鶴歸華表名千古鵲
泣空山土一堆驀地風狂傷蕙死片時雨惡悼蘭摧誅凶
旌烈人心快共說蒼蒼法網恢

桃花隨浪恥淫奔力拒狂且命不論徧體鱗傷生竟捨烈
心灰死爇難溫風悲白骨寒埋玉日照黑冤雪覆盆十字

霑益州志

卷六

藝文下

五十五

川
下
志

路前山下過行人誰不悼貞媛

雲愁日慘肆凶橫閨秀何辜一命傾誓死弗從褒爾烈洗
冤無枉羨官明禽呼應不聞姑惡木美洵堪比女貞巾幗
完人能有幾欣將往事志西平

和陳邑侯仲平春巡游北山寺原韻

使君政暇騁巡驂選勝登臨憩古庵門對龍華春擁翠殿
依象嶺日皴嵐有爲法自當前得無眼禪從悟後參愛物
仁民成雅詠頌聲何止徧霑南

春日省耕小住驂北山深處訪禪庵河流交水曲圍帶星
拱羣峯齊繞嵐時雨無私恩共渥慈雲普覆治同參一遊

一豫諸侯度遺愛甘棠繼召南

和仲平刺史復任士民歡迎原韻誌喜

快靚爭先拜道隈陽春有脚仰重回見童竹馬迎香案父

老筇鳩獻酒杯共慶福星仍普照欣瞻紫氣又東來

公籍粵東

霑屬迤東劉郎前種桃千樹今喜復歸亦笑開

和陳仲平刺史留別原韻

訓導馬文炘

琴堂聚首忽言分唱到驪歌忍泪聞待士維寅心懇摯愛
民如子意慇懃椿蔭庭裏承歡志楊柳橋邊悵別情百里
屈才如再至兒童竹馬喜迎君

西平兩載霑時霖言別士民感不禁依戀甘棠懷舊德留

霑益州志

卷六 藝文下

五十六

川
子
文

連折柳表微忱政流膏雨旁敷渥曲奏薰風餘韻尋明日
陽關三疊弄鶯遷飛囀上高林

遊仙人洞觀瀑布泉

邑庠李尊賢

山藏古洞幾春秋碧浪潺湲壩上流百尺飛泉懸谷口千
層瀑布掛峯頭潭容日照天心遠濺得花來水面浮莫辨
仙源何處路詠歸卽是舞雩遊

石佛停舟

載得西來一葉舟停篙至此幾千秋山翁把釣常盤足石
佛參禪欲點頭慾海無邊難普渡慈航穩繫不東流花飛
兩岸隨春水逐浪乘槎泛斗牛

七言絕句

量入爲出

邑貢生 李銘鼎

山不高兮水不深
漁翁樵子日登臨
勸君留得有餘地
節取猶存愛物心

次李小白刺史白芍藥元韻

邑人 憑晉恩

鉛華洗盡殿芳春
對我琴軒絕點塵
四坐相看誰是主
賞心先有詠花人

分得維揚次第春
天然素魄淨埃塵
漫言金帶知音少
千載流風又幾人

將離日日醉晴春
婪尾頻催若洗塵
此去長安多驛使
一

霑益州志

卷六 藝文下

五十七

枝須贈箇中人

和李刺史留春館種花詞原韻

闢徑芟蕪力獨擎
洛陽花事漸成林
惜陰莫謂偷閒慣
常養生成一片心

紫翠交加映日斜
青紅香透一簾紗
憑欄笑看生機盎
好

待秋深認榜花

公是年舉賓興

良工幾度費心裁
蓄蕊含香應候開
不必平泉爭鬥麗
開軒時引好風來

筆底芳菲妙入神

公善畫

詩成珠玉更宜春

公善詩

甘棠徧樹

延春館

公多惠政

異日應思種植人

春歸卽景

知州 陳 燕

桃李芳庭春已去
鳥聲無賴白喧譁
曉風似厭幽人懶
爲掃階前久落花

宮怨

隱約笙歌隔殿聞
寒宵愁緒惹紛紛
經年未獲君王寵
枉把香熏采鳳裙

天生壩復建呈江刺史

訓導 馬文炘

壩久傾經江刺史協李孝廉同人興建告成共遊以詩紀之

水利重開足望秋
收功閭里好聲酬
自今禹甸恩波遠
有本原泉不斷流

霑益州志

卷六 藝文下

五十八

川 ㄉ ㄨ ㄛ

雙澗入城

盈科後進入春城
兩水分流夾鏡明
昏暮人家求至足
潺湲對和韻琮琤

天生瀑布

雨洗危崖瀉有聲
飛來足練宛天生
銀河碧落三千丈
濺起跳珠漱玉鳴

東山春樹

東來紫氣繞山巔
更抹春光樹色鮮
秀出豔陽三月景
一林濃翠遠黏天

交河夜月

一葉扁舟鏡裡遊
洞庭秋月宛盈眸
波洄兩水千輪湧
疑是銀河天上流

五臺擁翠

五臺如畫染名箋
樹碧山蒼着色鮮
高接蔚藍天不斷
嵐光若玉聳雲煙

龍華曉鐘

翠鎖龍華松萬株
踈鐘幾杵月輪孤
一聲驚破人間夢
平旦之心醒也無

石佛停舟

泊舟經歷幾春秋
虹作纜牽雲作樓
欲渡迷津人不渡
慈

霑益州志

卷六

藝文下

五十九

航萬古住中流

大覺棲雲

雲依禪院對高城
往復林間有逸情
勢欲爲霖多蘊藉
待時出岫潤蒼生

煙靄青亭

翠繞煙環覆院墻
追聞往事感滄桑
何年更種萬行柳
留與行人乘蔭涼

五臺八景

碧雲巖

僧照元

凌空一壁嶂東橫
層疊迴巒拱石城
滿目雲嵐飛不定
縹

翹遙映碧天明

芍藥岸

天生奇卉植雲端馥郁層臺狀大觀爲向峯頭時悵望披
風揮月舞煙寒

樂于硿

懸崖有窟雲爲家峭壁無煙映日斜抱月僧今何處徃鳥
來空啄四時花

伏虎砮

歛跡崖阿石色蒼何勞踞地作行藏等閒只把雄心伏電
掣風馳勢頓忘

霑益州志

卷六

藝文下

六十

四
八
〇
上
八

隱龍泉

養就深溪鱗甲成不隨流水出荒砮於今頭角崢嶸起遂
使清波浪得名

幽谷蘭

名山深處隱行藏豈比羣葩綻早芳幽卉偏從冷處秘尋
香渾不着花香

仙足嶺

謾道黃冠每好奇山頭赤足採靈芝分明石上留踪跡說
甚凌虛縱步時

晚翠岡

晴空八面蕩輕煙紫翠蒼然遶石巔興至攀蘿須直上孤
巒又得一重天

霑益州志

卷六

藝文下

六十一

六十一

霑益重修邑志跋

且夫莫爲之前雖美弗彰莫爲之後雖盛弗傳霑益原有邑志四卷續志一卷其緣起原序具詳茲不贅溯自續修距今將閱五十稔矣疊遭兵燹原志散失鮮遺版片亦燬殘過半雖有忠孝節義政治藝文卓著者無由登之載籍將至湮沒而弗傳都人士屢欲續脩不果今幸 宮保岑公毓英 由閩督滇 奏設續脩通志局於省垣並札邑牧粵東陳公燕 會同儒學傳集五路紳衿籌經費於真武觀設局採訪關聘江蘓試用縣孝廉李君景賢 脩纂茂才馮君以濂 分

霑益州志

卷六跋

六十二

川
日
文
七

輯其繕寫各役由局酌選月給薪水局中不備膳局設甫彌月適陳公因公解任局遂輟辦嗣署牧蜀東韓公寶琛 下車後諭復理局務二君乃徧搜博採將新得事實就原志分門別類而增輯之兩閱月稿成較原志尤詳備洵可謂任勞任怨善繼善述慘淡經營良工心苦矣編次既定將付剞劂屬爲跋致和不敏何能跋顧不跋則美無以彰盛無以傳而跋之猶恐美未盡彰盛未盡傳也然管中窺豹已畧見一斑矣况尤有大雅宗工之卓識耶將美無不彰盛無不自見余非阿其所好云是爲跋

大清光緒十一年歲次乙酉春王月上元後二日特授霑
益州學正庚午科舉人昆明莊致和識
於吳公祠官舍

霑益州志

卷六 跋

六十三

名
十
八

霑益州舊志跋

天下必不可已之事而因循姑待迄無成功將四時不暇也否則曰力不足也不爲斯不暇不爲斯不足時與力不任過不暇得其暇不足得其足時與力亦不任功要惟存乎其人耳

含谿堂臺王公以乾隆己丑夏蒞任霑益兼羅平篆軍務旁午往來絡繹供馬賦車日不暇給而公因地制宜子黎元興文教之心拳拳不能自己慨然曰疆域之廣狹戶丁之多寡人才之盛衰風俗之醇漓守土之官未能旦夕洞然者以無志乘故也會軍務

稍暇紳士等以修志請公曰是誠事之不可已者於是訪求遺書得前州牧杜公志草蓋州人孔君之裔先爲志畧杜公繼以修飾未刻稿也公曰得此藍本爲力較易遂與西席唐君翰臣於差務倥傯中焚膏刻燭詳加訂正復延本州耆老輩時加諮詢又博採地方忠孝節義有關風教者悉爲補入丹鉛點勘月餘而州志成夫志亦史也辨而不華質而不俚龍門所以擅長也杜佑之通考馬端臨之通典爲志家所宗而康對山志武功谿徑旣別體裁最上後之作者苟攬摭故事不復規摩前賢豈克據事直書備徵

信而寓激勸也乎 公宅心忠厚嗜古力學茲志之
成不必藏爲秘書允堪傳爲信史州之文獻備矣他
日輜軒有採持此以往可矣噫嘻前乎杜公者以有
待待杜公爲杜公者更以無待待 公則試揆乎此
時與此時之力其與杜公之難易必有能辨之者而
志究成於 公手意者霑之文明於斯大啓夫乃會
逢其適也夫年家屬晚生李文黼趙嗣普頓首拜跋

重建明倫堂記

學正 莊致和

古者建立庠序學校皆所以明人倫也人倫明於上小民親於下明倫之堂固不可一日或廢也由來尚矣霑益自康熙四十九年庚寅秋州牧晉江吳公節民創建文廟於今城隍廟地建明倫堂於左嗣乾隆四十一年丙申秋州牧張公大本改建隍廟移文廟於今地明倫堂在大成殿之右及道光十一年辛卯春州牧夏公銘修重修溯移建迄今已閱二百餘稔久為風雨所飄搖屢遭兵燹之蹂躪至光緒七年辛巳夏遂傾圮片瓦無全都人士議修以經費難籌不

霑益州志

卷六

六十六

果迨光緒九年癸未秋霑設局修邑志五路共籌捐經費銀陸百玖拾金迄十一年冬署牧蜀郡冉公議

涖治適刊刻工竣裝訂成書僅用實收銀叁百壹拾餘金所餘者均懸欠在各路未繳江蘇試用縣李君

景賢

喟然謂余曰噫明倫堂傾圮久矣書院講堂亦

圯廢若以此餘欸重建均綽綽然有餘裕也特恐難於追出耳奈何余曰無慮今州尊冉公豪爽果決賢牧也曾告余前宰南甯常捐廉百金修建明倫堂况霑不須捐但追出欠欸事即可成必更樂於爲之矣嗣晤冉公道李君意即懇請速追各路欠欸爲重建

需公果欣諾且先墊出銀百餘金作經費約俟各欠
項追清再償即給諭李君總理其事於是鳩工庀材
擇吉於是冬十二月初九日興修樑七架高二丈壹
尺有竒較高於舊貳尺有咫左邊亦較舊址擴寬貳
尺餘方月餘而即落成材良功速□□□潔煥然一
新有志者事竟成矣是役也賴修志者節用儉費今
乃得以羨餘重建苟徇私利己恐捐欸能敷修志用
亦幸矣而何有乎此堂然非得冉公之力而欲以欠
欸濟此需也亦緣木求魚焉已耳功成能速若此乎
恐荒烟蔓草久爲瓦礫之場正未知重建於何日也

今告厥成矣覩斯堂也翬飛鳥革重增輪奐之光繪
素塗丹丕煥文明之象由此學校振興彝倫攸叙其
亦有感於爲之者歟若夫踵事增華尤有望於繼起
而興者爰據實直書而爲之記